

摘藻堂四庫全書薈要

集部

欽定四庫全書薈要

集部

御選古文淵鑒卷四十五

欽定四庫全書薈要

御選古文淵鑒卷四十五目錄

宋

歐陽修  
勸學詔

弛茶禁詔

論刪去九經正義中讖緯劄子

論臺諫官唐介等宜早牽復劄子



乞補館職劄子

論杜衍范仲淹等罷政事狀

上范司諫書

代人上王樞密求先集序書

本論

為君難論上

為君難論下

縱囚論

唐書兵志論

唐書禮樂志論

唐書藝文志論

唐書食貨志論

五代史前蜀王建世家論

五代史馮道傳論

五代史周臣傳論

五代史唐六臣傳論

五代史官者傳論

五代史伶官傳論

朋黨論

送徐無黨南歸序

吉州新學記

王彥章畫像記

豐樂亭記

胡先生墓表

瀧岡阡表

御選古文淵鑒卷四十五目錄



欽定四庫全書薈要卷一萬七千一百九十八集部

御選古文淵鑒卷四十五

內閣學士兼禮部侍郎教習庶吉士臣徐乾學等奉

旨編注

宋

歐陽修

字永叔廬陵人仁宗朝舉進士試南宮第一歷官至樞密副使參知政事以太子少

師致仕修天資剛勁見義勇為放逐流離至於再三志氣自若宋興百年而文章體裁猶仍五

季餘習修出一洗卑弱天下翕然師尊之

勸學詔

慶歷四年四月詔天下州縣立學更定科舉法用宋祁王拱辰張方平歐陽修

等言也

斟酌得宜意頗近古

儒者通天地人之理明古今治亂之源可謂博矣然學者不得騁其說而有司務先聲病章句以拘牽之則吾豪俊奇偉之士何以奮馬士有純明朴茂之美而無敦學養成之法其飭身勵節者使與不肖之人雜而並進則夫懿德敏行之賢何以見焉比取士之甚弊而學者自以為患議者屢以為言比令詳酌仍詔政事府參定

皆謂本學校以教之然後可求其行實先策論則辨理者得盡其說簡程式則閎博者可見其才至於經術之家稍增新制兼行舊式以勉中人煩法細文一皆罷去明其賞罰俾各勸焉如此則待才之意周取人之道廣夫遇人以薄者不可責其厚也今朕建學興善以尊子大夫之行而更制革弊以盡學者之才教育之方勤亦至矣有司其務嚴訓導精察舉以稱朕意學者其進德修業無失其時凡所科條可爲永式

弛茶禁詔

嘉祐四年二月先是茶為官榷禁私販甚嚴歲報刑辟不可勝計園戶困

於征取往往破產逃匿葉清臣何高正嘉麟等先後上議請罷給茶本錢縱園戶貿易而官收租錢下三司議三司言茶課給本收利所獲甚微而煩擾為患園戶輸納侵害日甚小民趨利犯法益繁宜約歲入息錢之數均賦茶民恣其買賣所在收算而不給本錢遂

下詔

盧周細事言復仁  
鵠

古者山澤之利與民共之故民足於下而君裕於上國家無事刑法以清自唐建中始有茶禁上下規利垂二百年如聞比來為患益甚民被誅求之困日惟咨嗟官

受濫惡之入歲以陳積私藏盜販犯者實繁嚴刑重誅  
情所不忍是以江湖之間幅員數千里為陷穽以害吾  
民也朕心惻然念此久矣閒遣使者往就問之而皆驩  
然願弛其禁歲入之課以時上官一二近臣析其狀  
朕猶若憮然又於歲輸裁減其課使得饒阜以相為生  
剋去禁條俾通商利歷世之弊一旦以除著為經常弗  
復更制損上益下以休吾民尚慮喜於立異之人緣而  
為姦之黨妄陳奏議以惑官司必寘明刑無或有貸

漢儒於經學表章微緒最爲有功而間引讖緯未免取難此論自是卓識

瓊山丘濬曰秦漢以來之六經

論刪去九經正義中讖緯劄子

臣伏見國家近年以來更定貢舉之科以爲取士之法建立學校而勤養士之方然士子文章未純節行未篤不稱朝廷勵賢興善之意所以化民成俗之風臣愚以謂士之所本在乎六經而自暴秦焚書聖道不絕漢興收拾亡逸所存無幾或殘編斷簡出於屋壁而餘齡昏眊得其口傳伏生年九十餘老不能正言言不可曉使其女傳言教量錯齊人語與潁川異錯所不知者十二三去聖既遠莫可考證偏學異說因自名家然而

所以至於今日者實賴孔穎達之正義世之學經者因得以考見古人之訓詁義例而知其名物度數之詳雖其間多駁雜詭異之言如歐陽氏所言者然朱子謂漢魏諸儒正音讀通訓詁考制度辨名物學者苟不先涉其流則亦何以用功於此則其

授受相傳尚有師法洎晉宋而下師道漸亡章句之篇家藏私畜其後各為牋傳附著經文其說存亡以時好惡學者茫昧莫知所歸至唐太宗時始詔名儒撰定九義之疏號為正義凡數百篇自爾以來著為定論凡不本正義者謂之異端則學者之宗師百世之取信也然其所載既博所擇不精多引讖緯之書以相雜亂怪竒詭僻所謂非聖之書異乎正義之名也臣欲乞特詔名儒學官悉取九經之疏刪去讖緯之文使學者不為怪

書亦世之不可  
無者也第欲中  
心有主而知所  
擇耳

異之言惑亂然後經義純一無所駁雜其用功至少其  
為益則多臣愚以謂欲使士子學古勵行而不本六經  
欲學六經而不去其詭異駁雜欲望功化之成不可得  
也伏望聖慈下臣之言付外詳議今取進止

論臺諫官唐介等宜早牽復劄子

據李燾長編  
嘉祐六年四

月或言樞密副使陳旭陰結宦者史志聰王  
世寧得大用天章閣待制知諫院唐介右司  
諫趙抃兵部員外郎兼侍御史知雜事范師  
道殿中侍御史呂誨交章言旭為諫官阿附  
貴戚及知開封府恣行請託旭奏辯上曰除  
拜二府朕豈容內臣預議邪介等言不已當



於氣度舒徐中見  
其英直論事極中  
實會

卧子陳子龍曰  
當時公在樞府  
而拳拳以諫官  
為言大臣為國  
之心可謂深矣

兩罷之於是出旭知定州介知洪州汴知虔  
州師道知福州○按宋史介師道傳俱作陳  
升之蓋升之初名旭  
避神宗嫌名而改也

臣近見諫官唐介臺官范師道等因言陳旭事得罪或  
與小郡或竄遠方陛下自臨御以來擢用諍臣開廣言  
路雖言者時有中否而聖慈每賜優容一旦臺諫聯翩  
被逐四出命下之日中外驚疑臣雖不知臺諫所言是  
非但見唐介范師道皆久在言職其人立朝各有本末  
前後補益甚多豈於此時頓然改節故為欺罔上昧聖

聰在於人情不宜有此臣竊以謂自古人臣之進諫於其君者有難有易各因其時而已若剛暴猜忌之君不欲自聞其過而樂聞臣下之過人主好察多疑於上大臣側足畏罪於下於此之時諫人主者難而言大臣者易若寬仁恭儉之主動遵禮法自聞其失則從諫如流聞臣下之過則務爲優容以保全之而爲大臣者外秉國權內有左右之助言事者未及見聽而怨仇已結於其身故於此時諫人主者易言大臣者難此不可不察

也自古人主之聽言也亦有難有易在知其術而已夫忠邪並進於前而公論與私言交入於耳此所以聽之難也若知其人之忠邪辨其言之公私則聽之易也凡言拙而直逆耳違意初聞若可惡者此忠臣之言也言婉而順希旨合意初聞若可喜者邪臣之言也至於言事之官各舉其職或當朝正色顯言於廷或連章列署共論其事言一出則萬口爭傳衆目共視雖欲爲私其勢不可故凡明言於外不畏人知者皆公言也若非其

臣熙曰絕去嫌疑  
獨抒誠惇定國  
是惜人才有  
關治化不徒作  
敢言之氣

言職又不敢顯言或密奏乞留中或面言乞出自聖斷  
不欲人知言有主名者蓋其言涉傾邪懼遭彈劾故凡  
陰有奏而畏人知者皆挾私之說也自古人主能以此  
術知臣下之情則聽言易也伏惟陛下仁聖寬慈躬履  
勤儉樂聞諫諍容納直言其於大臣尤所優禮嘗欲保  
全終始思與臣下愛惜名節尤慎重於進退故臣謂方  
今言事者規切人主則易欲言大臣則難臣自立朝耳  
目所記景祐中范仲淹言宰相呂夷簡貶知饒州皇祐

中唐介言宰相文彥博貶春州別駕至和初吳中復呂  
景初馬遵言宰相梁適並罷職出外其後趙抃范師道  
言宰相劉沆亦罷職出外前年韓絳言富弼貶知蔡州  
今又唐介等五人言陳旭得罪自范仲淹貶饒州後至  
今凡二十年閒居臺諫者多矣未聞有規諫人主而得  
罪者臣故謂方今諫人主則易言大臣則難陛下若推  
此以察介等所言則可知其用心矣昨所罷黜臺諫五  
人惟呂誨入臺未久其他四人出處本末迹狀甚明可

以歷數也唐介前因言文彥博遠竄廣西煙瘴之地賴  
陛下仁恕哀憐移至湖南得存性命范師道趙抃並因  
言忤劉沆罷臺職守外郡連延數年然後來復今三人  
者又以言樞臣罷黜然則介不以前蹈必死之地為懼  
師道與抃不以中滯進用數年為戒遇事必言得罪不  
悔蓋所謂進退一節終始不變之士也至如王陶者本  
出孤寒因韓絳薦舉始得臺官及絳為中丞陶不敢內  
顧私恩與之爭議絳終得罪夫牽顧私恩人之常情爾

斷恩以義非知義之士不能也以此言之陶可謂徇公  
滅私之臣矣此四人者出處本末之迹如此可以知其  
為人也就使言雖不中亦其情必無他議者或謂言事  
之臣好相朋黨動搖大臣以作威勢臣竊以為不然至  
於去歲韓絳言富弼之時介與師道不與絳為黨乃與  
諸臺諫共論絳為非然則非相朋黨非欲動搖大臣可  
明矣臣固謂未可以此疑言事之臣也况介等比者雖  
為謫官幸蒙陛下寬恩各得為郡未至失所其可惜者

斥逐諫臣非朝廷美事阻塞言路不為國家之利而介等盡忠守節未蒙憐察也欲望聖慈特賜召還介等置之朝廷以勸守節敢言之士則天下幸甚

乞補館職劄子

治平三年上

清言如屑可謂其  
風肆好者矣

臣竊以治天下者用人非止一端故取士不以一路若夫知錢穀曉刑獄熟民事精吏幹勤勞夙夜以辦集為功者謂之材能之士明於仁義禮樂通於古今治亂其文章論議與之謀慮天下之事可以決疑定策論道經



邦者謂之儒學之臣善用者必使有材者竭其力有  
職者竭其謀故以材能之士布列中外分治百職使各  
辦其事以儒學之臣置之左右與之日夕謀議講求其  
要而行之而又於儒學之中擇其尤者置之廊廟而付  
以大政使總治羣材衆職進退而賞罰之此用人之大  
略也由是言之儒學之士可謂貴矣豈在材臣之後也  
是以前世英主明君未有不以崇儒向學爲先而名臣  
賢輔出於儒學者十常八九也臣竊見方今取士之失

患在先材能而後儒學貴吏事而賤文章自近年以來  
朝廷患百職不修務獎材臣故錢穀刑獄之吏稍有寸  
長片善為人所稱者皆已擢用之矣夫材能之士固當  
擢用然專以材能為急而遂忽儒學為不足用使下有  
遺賢之嗟上有乏材之患此甚不可也臣謂方今材能  
之士不患有遺固不足上煩聖慮惟儒學之臣難進而  
多棄滯此不可不思也臣以庸繆過蒙任使俾陪宰輔  
之後然平日論議不能無異同雖日奉天威又不得從

從西人事跡顯然  
處一一引証更不  
自立議論遂爾等  
切

容曲盡拙訥今臣有館閣取士愚見具列如別劄欲望  
聖慈因宴閒之餘一迂睿覽或有可采乞嘗賜留意

論杜衍范仲淹等罷政事狀

慶歷五年正月范  
仲淹富弼杜衍罷

以御史中丞王拱辰右正言錢逸等先後論  
劾也衍罷知宛州仲淹知邠州弼知鄆州

臣聞士不忘身不為忠言不逆耳不為諫故臣不避羣  
邪切齒之禍敢干一人難犯之顏惟賴聖明幸加省察  
臣伏見杜衍韓琦范仲淹富弼等皆陛下素所委任之  
臣一旦相繼罷黜天下之士皆素知其可用之賢而不

水心葉適曰國初宰相權重臺諫侍從莫敢議朝士不平屢有攻擊如盧多遜趙昌言王禹偁宋湜胡旦李昌齡孔道輔更勝迭負然終不能損廟堂之勢至范仲淹空一時所為賢者而爭之天下議論相因而起朝廷不能主令而勢始輕矣雖賢否邪

聞其可罷之罪臣雖供職在外事不盡知然臣竊見自古小人讒害忠賢其說不遠欲廣陷良善則不過指為朋黨欲動搖大臣則必須誣以專權其故何也夫去一善人而衆善人尚在則未為小人之利欲盡去之則善人少過難為一二求瑕惟有指以為朋黨則可一時盡逐至如大臣已被知遇而蒙信任則難以他事動搖惟有專權是上之所惡故須此說方可傾之臣料衍等四人各無大過而一時盡逐弼與仲淹委任尤深而忽遭

正不同要為以下攻上為名節地可也而未知為國家計也然范韓既以此取勝及其自得用臺諫侍從方襲其跡朝廷每立一事則是非盡起譁然不安矣禹修方岳貢曰力破朋黨專權四字舉其實事而明之更為洞快

離閒必有以朋黨專權之說上惑聖聰者臣請試辨之昔年仲淹初以忠言讜論聞於中外天下賢士爭相稱慕當時姦臣誣作朋黨猶難辨明自近日陛下擢此數人並在兩府察其臨事可見其不為朋黨也蓋行為人清慎而謹守規矩仲淹則恢廓自信而不疑琦則純信而質直弼則明敏而果銳四人為性既各不同雖皆歸於盡忠而其所見各異故於議事多不相從至如杜衍欲深罪滕宗諒仲淹則力爭而寬之仲淹謂契丹必攻

河東請急修邊備富弼料以九事力言契丹必不來至

如尹洙亦號仲淹之黨及爭水洛城事韓琦則是尹洙

而非劉滬仲淹則是劉滬而非尹洙

慶歷三年十一月陝西生戶獻水洛

城內殿崇班劉滬請修之以通秦州涇原路安撫使韓琦以為勞費無益請遣使至涇原秦鳳路詢問文彥博尹洙狄青等洙等皆以為不便詔罷其役滬言蕃部請自備財力修城不肯止役洙械滬詣闕仲淹奏釋之令訖此數事尤彰著陛下素已知者此四人者可謂天下

至公之賢也平日閒居則相稱美之不暇為國議事則公言廷諍而不私以此而言臣見衍等真得漢史所謂

臣乾學曰君子  
小人各有其類  
弟君子尚義故  
當義而必爭小

忠臣有不和之節而小人讒為朋黨可謂誣矣臣聞有  
國之權誠非臣下之得專也然臣竊思仲淹等自入兩  
府以來不見其專權之迹而但見其善避權也權者得  
名位則可行故好權之臣必貪位自陛下召琦與仲淹  
於陝西琦等讓至五六陛下亦五六召之富弼三命學  
士兩命樞密副使每一命皆再三懇讓讓者愈切陛下  
用之愈堅臣但見其避讓太繁不見其好權貪位也及  
陛下堅不許辭方敢受命然猶未敢別有所為陛下見

人嗜利故見利而必貳茲極論四人之不同所以深破朋黨之疑也

其皆未行事乃特開天章召為賜坐授以紙筆使其條事然衆人避讓不敢下筆弼等亦不敢獨有所述因此又煩聖慈特出手詔指定姓名專責弼等條列大事而行之弼等遲回又近一月方敢略條數事仲淹深練世事必知凡百難猛更張故其所陳志在遠大而多若迂緩但欲漸而行之以久冀皆有效弼性雖銳然亦不敢自出意見但多舉祖宗故事請陛下擇而行之自古君臣相得一言道合遇事便行臣方怪弼等蒙陛下如此



堅意委任督責丁寧而猶遲緩自疑作事不果然小人  
巧譖已曰專權者豈不誣哉至如兩路宣撫聖朝嘗遣  
大臣況自中國之威近年不振故元昊叛逆一方而勞  
困及於天下北虜乘釁違盟而動其書辭侮慢至有貴  
國祖宗之言陛下憤恥雖深但以邊防無備未可與爭  
屈意買和莫大之辱弼等見中國累年侵凌之患感陛  
下不次進用之恩故各自請行力思雪恥沿山傍海不  
憚勤勞欲使武備再脩國威復振臣見弼等用心本欲

尊陛下威權以禦四夷未見其侵權而作過也伏惟陛下  
下睿哲聰明有知人之聖臣下能否洞見不遺故於千  
官百辟之中特選得此數人驟加擢用夫正士在朝羣  
邪所忌謀臣不用敵國之福也今此數人一旦罷去而  
使羣邪相賀於內四夷相賀於外此臣所為陛下惜之  
也伏惟陛下聖德仁慈保全忠善退去之際恩禮各優  
今仲淹四路之任亦不輕矣惟願陛下拒絕羣謗委任  
不疑使盡其所為猶有裨補方今西北二虜交爭未已

情誼醇篤文思安  
雅大家中有數文  
字

正是天與陛下經營之時如弼與琦豈可置之閒處伏

望陛下早辨讒巧特加圖任則不勝幸甚

疏入不報指脩爲朋黨者

益惡

焉

### 上范司諫書

范仲淹其先自邠州徙吳縣舉進士累官秘閣校理天聖七年以請

太后還政通判河中府徙陳州太后崩召爲右司諫

前月中得進奏吏報云自陳州召至闕拜司諫即欲爲一書以賀多事卒卒未能也司諫七品官耳於執事得之不爲喜而獨區區欲一賀者誠以諫官者天下之得

晦菴朱熹曰歐陽公上司諫書其中却自美麗有好處有不可及處却不是閑冗無意思蘇老泉上歐陽公書云執事之文紆徐委備往復曲折而條達疏暢無所開斷氣盡語完急言竭論而容與閒易無

失一時之公議繫焉今世之官自九卿百執事外至一郡縣吏非無貴官大職可以行其道也然縣越其封郡逾其境雖賢守長不得行以其有守也吏部之官不得理兵部鴻臚之卿不得理光祿以其有司也若天下之失得生民之利害社稷之大計惟所見聞而不繫職司者獨宰相可行之諫官可言之耳故士學古懷道者仕於時不得為宰相必為諫官諫官雖卑與宰相等天子曰不可宰相曰可天子曰然宰相曰不然坐乎廟堂之

艱難勞苦之態  
此三者皆卓然  
自為一家之文  
也

東發黃震曰鋪  
叙有法與昌黎  
諍臣論表裏

疊山謝枋得曰  
歐陽公文章為  
一代宗師然歲  
鋒銳鈐鑄光沉

上與天子相可否者宰相也天子曰是諫官曰非天子  
曰必行諫官曰必不可行立於殿階之前與天子爭是  
非者諫官也宰相尊行其道諫官卑行其言言行道亦  
行也九卿百司郡縣之吏守一職者任一職之責宰相  
諫官繫天下之事亦任天下之責然宰相九卿而下失  
職者受責於有司諫官之失職也取譏於君子有司之  
法行乎一時君子之譏著之簡冊而昭明垂之百世而  
不泯甚可懼也夫七品之官任天下之責懼百世之譏

馨不如韓文公之奇奇怪怪可喜可愕學韓不成亦不庸腐學歐不成必無精采獨上范司諫書朋黨論春秋論縱囚論氣力健光燄長可以發才氣可以生議論

瓊山丘濬曰今世諫官雖無定

豈不重耶非材且賢者不能為也近執事始被召於陳州洛之士大夫相與語曰我識范君知其材也其來不為御史必為諫官及命下果然則又相與語曰我識范君知其賢也他日聞有立天子陛下直辭正色面爭庭論者非他人必范君也拜命以來翹首企足竚乎有聞而卒未也竊惑之豈洛之士大夫能料於前而不能料於後也將執事有待而為也昔韓退之作諍臣論以譏陽城不能極諫卒以諫顯人皆謂城之不諫蓋有待而

職然國家設立六科以言責付之凡內而百司外而藩郡應有封章無有不經由者矧列署內廷侍班殿陛日近清光咫尺天顏上無所干屬下有所分理歐陽修所謂事是非於殿陛之間者也必也不愛富貴次則重惜名卽次則耽知治體如是則上

然退之不識其意而妄議修獨以為不然當退之作論時城為諫議已五年後又二年始庭論陸贄及沮裴延齡作相欲裂其麻纔兩事耳當德宗時可謂多事矣授受失宜叛將彊臣羅列天下又多猜忌進任小人於此之時豈無一事可言而須七年耶當時之事豈無急於沮延齡論陸贄兩事耶謂宜朝拜官而夕奏疏也幸而城為諫官七年適遇延齡陸贄事一諫而罷以塞其責向使止五年六年而遂遷司業是終無一言而去也何

而君德必有所  
助下而朝政必  
無所缺矣

所取哉今之居官者率三歲而一遷或一二歲甚者半  
歲而遷也此又非可以待乎七年也今天子躬親庶政  
化理清明雖為無事然自千里詔執事而拜是官者豈  
不欲聞正議而樂讜言乎然今未聞有所言使天下知  
朝廷有正士而彰吾君有納諫之明也夫布衣韋帶之  
士窮居草茅坐誦書史嘗恨不見用及用也又曰彼非  
我職不敢言或曰我位猶卑不得言得言矣又曰我有  
待是終無一人言也可不惜哉伏惟執事思天子所以



有起伏有開闔氣  
雄而筆宕

荆川唐順之曰  
駕空層累之文

見用之意懼君子百世之譏一陳昌言以塞重望且解  
洛士大夫之惑則幸甚幸甚

代人上王樞密求先集序書

某聞傳曰言之無文行而不遠君子之所學也言以載  
事而文以飾言事信言文乃能表見於後世詩書易春  
秋皆善載事而尤文者故其傳尤遠荀卿孟軻之徒亦  
善為言然其道有至有不至故其書或傳或不傳猶繫  
於時之好惡而興廢之其次楚有大夫者善文其謳歌

唐門茅坤曰其  
機軸自昌黎送  
孟東野來而思  
尤婉而正

以傳

指屈原

漢之盛時有賈誼董仲舒司馬相如揚雄能

文其文辭以傳由此以來去聖益遠世益薄或衰下迄

周隋其間亦時時有善文其言以傳者然皆紛雜滅裂

不純信故百不傳一幸而一傳傳亦不顯不能若前數

家之焯然暴見而大行也甚矣言之難行也事信矣須

文文至矣又繫其所恃之大小以見其行遠不遠也書

載堯舜詩載商周易載九聖

庖犧氏神農氏黃帝堯舜湯文王武王箕子

春

秋載文武之法荀孟二家載詩書易春秋者楚之辭載

臣英曰歷叙前  
代藉文詞以行  
遠者由經史  
以見鋪揚盛德  
潤色鴻猷端賴  
乎此也其文情  
復跌宕可喜真  
磊落而英多

風雅漢之徒各載其時王聲明文物之盛以為辭後之  
學者蕩然無所載則其言之不純信其傳之不久遠勢  
使然也至唐之興若太宗之政開元之治憲宗之功其  
臣下又爭載之以文其辭或播樂歌或刻金石故其閒  
鉅人碩士閎言高論流鑠前後者恃其所載之在文也  
故其言之所載者大且文則其傳也章言之所載者不  
文而又小則其傳也不章其不佞守先人之緒餘先人  
在太宗時以文辭為名進士以對策為賢良方正既而

守道純正為賢待制逢時太平奮身揚名宜其言之所  
載文之所行大而可恃以傳也然未能甚行於世者豈  
其嗣續不肖不能繼守而泯沒之抑有由也夫文之行  
雖繫其所載猶有待焉詩書易春秋待仲尼之刪正荀  
孟屈原無所待猶待其弟子而傳焉漢之徒亦待其史  
臣之書其始出也或待其時之有名者而後發其既歿  
也或待其後之紀次者而傳其為之紀次也非其門人  
故吏則其親戚朋友如夢得之序子厚

夢得劉禹錫字

李漢之

序退之也伏惟閣下學老文鉅為時雄人出入三朝其  
能望光輝接步武者惟先君為舊則亦先君之所待也  
豈小子之敢有請焉謹以家集若干卷數寫獻門下惟  
哀其誠而幸賜之

本論

揭出禮義二字見  
歐陽為學有本領  
處以此繼昌黎之  
後武昌瀛洛之先  
聲扶翼名教厥功  
非小

佛法為中國患千餘載世之卓然不惑而有力者莫不  
欲去之已嘗去矣而復大集攻之暫破而愈堅撲之未  
滅而愈熾遂至於無可奈何是果不可去邪蓋亦未知

東發黃震曰政  
佛法之害政昌  
黎之說盡之攻  
佛教之害人心  
晦庵之說盡之  
不能明言其所  
以害而徒疾聲  
大呼以洩其憤  
者石徂徠之說  
盡之歐陽公所

其方也夫醫者之於疾也必推其病之所自來而治其  
受病之處病之中人乘乎氣虛而入焉則善醫者不攻  
其疾而務養其氣氣實則病去此自然之效也故救天  
下之患者亦必推其患之所自來而治其受惠之處佛  
為夷狄去中國最遠而有佛固已久矣堯舜三代之際  
王政脩明禮義之教充於天下於此之時雖有佛無由  
而入及三代衰王政闕禮義廢後二百餘年而佛至乎  
中國由是言之佛所以為吾患者乘其闕廢之時而來

謂上續昌黎斯  
文之傳者正以  
闢佛一事然本  
論不過就昌黎  
改易新說而適  
以消剛為柔如  
閉關息兵惟敵  
之縱而曰我修  
政事者爾嗚呼  
殆所謂能言距  
楊墨者皆聖人  
之徒歟

此其受惠之本也補其闕修其廢使王政明而禮義充  
則雖有佛無所施於吾民矣此亦自然之勢也昔堯舜  
三代之為政設為井田之法籍天下之人計其口而皆  
授之田凡人之力能勝耕者莫不有田而耕之斂以什  
一差以征賦以督其不勤使天下之人力皆盡於南畝  
而不暇乎其他然又懼其勞且怠而入於邪僻也於是  
為制牲牢酒醴以養其體弦匏俎豆以悅其耳目於其  
不耕休力之時而教之以禮故因其田獵而為蒐狩之

東郭邵守益曰  
作文須尋得頭  
腦意思端正然  
後措詞鍊句斯  
工於文者也歐  
陽子得此法變  
正文體從孟子  
正經上發出許  
多議論非有的  
見者不能  
瑣山丘猶曰佛  
去我中國數萬  
里其勢無由至  
中國其導之人  
吾中國者中國  
之人也今其法

禮因其嫁娶而為婚姻之禮因其死葬而為喪祭之禮  
因其飲食羣聚而為鄉射之禮非徒以防其亂又因而  
教之使知尊卑長幼凡人之大倫也故凡養生送死之  
道皆因其欲而為之制飾之物采而文焉所以悅之使  
其易趣也順其情性而節焉所以防之使其不過也然  
猶懼其未也又為立學以講明之故上自天子之郊下  
至鄉黨莫不有學擇民之聰明者而習焉使相告語而  
誘勸其愚惰嗚呼何其備也蓋三代之為政如此其慮



行乎中國千餘年其勢已堅牢不可動搖其言入人心已深而其家設屋宇在人耳目者已熟一旦欲去其勢誠難歐陽氏欲修補吾政教之闕廢者誠反本之論然吾政教之闕且廢非一日一旦復其千年之故非假之十百年不能也十百年中其君

民之意甚精治民之具甚備防民之術甚周誘民之道甚篤行之以勤而被於物者洽浸之以漸而入於人者深故民之生也不用力乎南畝則從事於禮樂之際不在其家則在乎庠序之間耳聞目見無非仁義樂而趣之不知其倦終身不見異物又奚暇夫外慕哉故曰雖有佛無由而入者謂有此具也及周之衰秦并天下盡去三代之法而王道中絕後之有天下者不能勉強其為治之具不備防民之術不周佛於此時乘閒而出千

其相豈皆卓然不惑者莫若定為家鄉之禮頒布天下使家家行古禮其勢自衰此則朝令而夕可行也積數十年人皆知吾禮之簡徑而覺彼法之勞擾有損於財無益於事自然廢置而不振英君諷辟有恣於扶世教闢邪說者出於其間舉韓子所

有餘歲之閒佛之來者日益衆吾之所為者日益壞井田最先廢而無并游惰之姦起其後所謂蒐狩婚姻喪祭鄉射之禮凡所以教民之具相次而盡廢然後民之姦者有暇而為他其良者泯然不見禮義之及已夫姦民有餘力則思為邪僻良民不見禮義則莫知所趣佛於此時乘其隙方鼓其雄誕之說而牽之則民不得不從而歸矣又况王公大人往往倡而毆之曰佛是真可歸依者然則吾民何疑而不歸焉幸而有一不惑者方

謂人其人大其  
書廬其居之說  
垂其衰而去之  
則中國三代道  
德之教禮義之  
俗頽然復矣

艱然而怒曰佛何為者吾將操戈而逐之又曰吾將有  
說以排之夫千歲之患徧於天下豈一人一日之可為  
民之沉酣入於骨髓非口舌之可勝然則將奈何曰莫  
若修其本以勝之昔戰國之時楊墨交亂孟子患之而  
專言仁義故仁義之說勝則楊墨之學廢漢之時百家  
並興董生患之而退修孔氏故孔氏之道明而百家息  
此所謂修其本以勝之之効也今八尺之夫被甲荷戟  
勇蓋三軍然而見佛則拜聞佛之說則有畏慕之誠者

何也彼誠壯佼其中心茫然無所守而然也一介之士  
眇然柔懦進趨畏怯然而聞有道佛者則義形於色非  
徒不為之屈又欲驅而絕之者何也彼無他焉學問明  
而禮義熟中心有所守以勝之也然則禮義者勝佛之  
本也今一介之士知禮義者尚能不為之屈使天下皆  
知禮義則勝之矣此自然之勢也

為君難論上

語曰為君難者孰難哉蓋莫難於用人夫用人之術任

文氣峻快是極有  
斷制之作

東發黃裳曰朋  
黨論謂君子有  
其朋足以解萬  
世人主之疑為  
君難論謂用人  
聽言專決之失  
在於違衆足以  
損萬世人君之  
迷

之必專信之必篤然後能盡其材而可共成事及其失  
也任之欲專則不復謀於人而拒絕羣議是欲盡一人  
之用而先失衆人之心也信之欲篤則一切不疑而果  
於必行是不審事之可否不計功之成敗也夫違衆舉  
事又不審計而輕發其百舉百失而及於禍敗此理之  
宜然也然亦有幸而成功者人情成是而敗非則又從  
而贊之以其違衆為獨見之明以其拒諫為不惑羣論  
以其偏信而輕發為決於能斷使後世人君慕此三者

以自期至其信用一失而及於禍敗則雖悔而不可及此甚可歎也前世為人君者力拒羣議專信一人而不能早悟以及於禍敗者多矣不可以徧舉請試舉其二昔秦符堅地大兵彊有衆九十六萬號稱百萬蔑視東晉指為一隅謂可直以氣吞之耳然而舉國之人皆言晉不可伐更進互說者不可勝數其所陳天時人事堅隨以強辯折之忠言讜論皆沮屈而去如王猛符融老成之言也不聽太子宏少子詵至親之言也不聽沙

臣熙曰用人難  
知人尤難知人  
則智能官人卑  
陶之所以陳謨  
也此篇專就人  
心徵取舍而歸  
重知人之意雖  
然可思

門道安堅平生所信重者也數為之言不聽惟聽信一  
將軍慕容垂者垂之言曰陛下內斷神謀足矣不煩廣  
訪朝臣以亂聖慮堅大喜曰與吾共定天下者惟卿爾  
於是決意不疑遂大舉南伐兵至壽春晉以數千人擊  
之大敗而歸比至洛陽九十六萬兵亡其八十六萬堅  
自此兵威沮喪不復能振遂至於亂亡近五代時後唐  
清泰帝患晉祖之鎮太原也地近契丹恃兵跋扈議欲  
徙之於鄆州舉朝之士皆諫以為未可帝意必欲徙之

夜召嘗所與謀樞密直學士薛文遇問之以決可否文  
遇對曰臣聞作舍道邊三年不成此事斷在陛下何必  
更問羣臣帝大喜曰術者言我今年當得一賢佐助我  
中興卿其是乎即時命學士草制徙晉祖於鄆州明旦  
宣麻在廷之臣皆失色後六日而晉祖反書至清泰帝  
憂懼不知所為謂李崧曰我適見薛文遇為之肉顫欲  
自抽刀刺之崧對曰事已至此悔無及矣但君臣相顧  
涕泣而已由是言之能力拒羣議專信一人莫如二君



之果也由之以致禍敗亂亡亦莫如二君之酷也方符  
堅欲與慕容垂共定天下清泰帝以薛文遇為賢佐助  
我中興可謂臨亂之君各賢其臣者也或有詰予曰然  
則用人者不可專信乎應之曰齊桓公之用管仲蜀先  
主之用諸葛亮可謂專而信矣不聞舉齊蜀之臣民非  
之也蓋其令出而舉國之臣民從事行而舉國之臣民  
便故桓公先主得以專任而不貳也使令出而兩國之  
人不從事行而兩國之人不便則彼二君者其肯專任

而信之以失衆心而斂國怨乎

為君難論下

議論與故實相經緯  
機法略似上篇

嗚呼用人之難難矣未若聽言之難也夫人之言非一端也巧辯縱橫而可喜忠言質樸而多訥此非聽言之難在聽者之明暗也諛言順意而易悅直言逆耳而觸怒此非聽言之難在聽者之賢愚也是皆未足為難也若聽其言則可用然用之有輒敗人之事者聽其言若不可用然非如其言不能以成功者此然後為聽言之

升庵楊慎曰子  
由若術論正是

此意

唐開元中曰此  
言聽言之難以  
上二篇並引傳  
記原文以為議  
論而于中略點  
綴數言自是一  
體若史遷之傳  
伯夷却又道篇  
以議論為敘事  
正與此互相發  
明

難也請試舉其一二戰國時趙將有趙括者善言兵自  
謂天下莫能當其父奢趙之名將老於用兵者也每與  
括言亦不能屈然奢終不以括為能也歎曰趙若以括  
為將必敗趙事其後奢死趙遂以括為將其母自見趙  
王亦言括不可用趙王不聽使括將而攻秦括為秦軍  
射死趙兵大敗降秦者四十萬人阮於長平蓋當時未  
有如括善言兵亦未有如括大敗者也此聽其言可用  
用之輒敗人事者趙括是也秦始皇欲伐荆問其將李

信用兵幾何信方年少而勇對曰不過二十萬足矣始皇大喜又以問老将王翦翦曰非六十萬不可始皇不悅曰將軍老矣何其怯也因以信為可用即與兵二十萬使伐荆王翦遂謝病退老於頻陽已而信大為荆人所敗亡七都尉而還始皇大慙自駕如頻陽謝翦因強起之翦曰必欲用臣非六十萬不可於是卒與六十萬而往遂以滅荆夫初聽其言若不可用然非如其言不能以成功者王翦是也且聽計於人者宜如何聽其言

臣乾學曰新進  
勇銳暗指王呂  
諸人蓋安石之  
讀周禮無異趙  
括之讀父書其  
言可聽而實不  
可用也足以戒  
矣

若可用用之宜矣輒敗事聽其言若不可用捨之宜矣  
然必如其說則成功此所以為難也予又以謂秦趙二  
主非徒失於聽言亦由樂用新進忽棄老成此其所以  
敗也大抵新進之士喜勇銳老成之人多持重此所以  
人主之好立功名者聽勇銳之語則易合聞持重之言  
則難入也若趙括者則又有說焉予略考史記所書是  
時趙方遣廉頗攻秦頗趙名將也秦人畏頗而知括虛  
言易與也因行反間於趙曰秦人所畏者趙括也若趙

以為將則秦懼矣趙王不悟反間也遂用括為將以代  
頗藺相如力諫以為不可趙王不聽遂至於敗由是言  
之括虛談無實而不可用其父知之其母亦知之趙之  
諸臣藺相如等亦知之外至敵國亦知之獨其主不悟  
爾夫用人之失天下之人皆知其不可而獨其主不知  
者莫大之患也前世之禍亂敗亡由此者不可勝數也  
二篇皆為王  
安石而發

縱囚論

以紫峭之筆發深  
摯之思故持論甚  
堅而有力

東發發震白繼  
因論上下相賊  
恐太甚要是三  
代後故事若夫  
聖人不立異以  
為高不逞情以

信義行於君子而刑戮施於小人刑入於死者乃罪大  
惡極此又小人之尤甚者也寧以義死不苟幸生而視  
死如歸此又君子之尤難者也方唐太宗之六年錄大  
辟囚三百餘人縱使還家約其自歸以就死是以君子  
之難能期小人之尤者以必能也其囚及期而卒自歸  
無後者是君子之所難而小人之所易也此豈近於人  
情或曰罪大惡極誠小人矣及施恩德以臨之可使變  
而為君子蓋恩德入人之深而移人之速有如是者矣

子舉則至論也

疊山謝枋得曰  
文有氣力有光  
氣可以發人才  
氣善於立論

曰太宗之為此所以求此名也然安知夫縱之去也不  
意其必來以冀免所以縱之乎又安知夫被縱而去也  
不意其自歸而必獲免所以復來乎夫意其必來而縱  
之是上賊下之情也意其必免而復來是下賊上之心  
也吾見上下交相賊以成此名也烏有所謂施恩德與  
夫知信義者哉不然太宗施德於天下於茲六年矣不  
能使小人不為極惡大罪而一日之恩能使視死如歸  
而存信義此又不通之論也然則何為而可曰縱而來



源流得失洞然指  
掌

歸殺之無赦而又縱之而又來則可知為恩德之致爾  
然此必無之事也若夫縱而來歸而赦之可偶一為之  
爾若屢為之則殺人者皆不死是可為天下之常法乎  
不可為常者其聖人之法乎是以堯舜三王之治必本  
於人情不立異以為高不逆情以干譽

### 唐書兵志論

古之有天下國家者其興亡治亂未始不以德而自戰  
國秦漢以來鮮不以兵夫兵豈非重事哉然其因時制

鹿門茅坤曰唐  
兵三變處如指  
掌

變以苟利趨便至於無所不為而考其法制雖可用於  
一時而不足施於後世者多矣惟唐立府兵之制頗有  
足稱焉蓋古者兵法起於井田自周衰王制壞而不復  
至於府兵始一寓之於農其居處教養畜材待事動作  
休息皆有節目雖不能盡合古法蓋得其大意焉此高  
祖太宗之所以盛也至其後世子孫驕弱不能謹守屢  
變其制夫置兵所以止亂及其弊也適足為亂又其甚  
也至困天下以養亂而遂至於亡焉蓋唐有天下二百

餘年而兵之大勢三變其始盛時有府兵

貞觀十年置折衝府凡天

下十道置府六百三十四而關內二百六十有一上府兵千二百人中府千人下府八百人領以折衝果毅都

尉分番入衛京師四方有事則命將以出事解後兵散於府將歸於朝

府兵後廢而為彍

騎高宗武后時天下久不用兵府兵番役多不以時開元中宰相張說請募士十二萬號長從宿衛明年又

更號曰彍騎又廢而方鎮之兵盛矣

方鎮者節度使之兵也唐初邊將屯

防大曰軍小曰守捉曰城曰鎮而總之者道道有大將一人曰大總管後更為大都督永徽後都督持節者曰節度使安史反後戰士有功者皆為節度使由是方鎮相望大者連城數十天子不能制及其末也

彍臣悍將兵布天下而天子亦自置兵於京師曰禁軍

其後天子弱方鎮強而唐遂以亡滅者措置之勢使然也若乃將卒營陣車騎器械征防守衛凡兵之事不可以悉記記其廢置得失終始治亂興滅之迹以為後世戒云

唐書禮樂志論

綜次淹洽而妙有  
錄錄

由三代而上治出於一而禮樂達於天下由三代而下治出於二而禮樂為虛名古者宮室車輿以為居衣裳冕弁以為服尊爵俎豆以為器金石絲竹以為樂以適

晦庵朱熹曰此古今不易之至論也

瓊山丘濬曰修為此言可為盡古今禮樂之事後世君臣有志於復三代之治者其尚視此言為準則痛革後世苟簡之政而必以禮樂為本凡其所以施於政治之間者或寓三代禮樂之

郊廟以臨朝廷以事神而治民其歲時聚會以為朝覲聘問歡欣交接以為射鄉食饗合衆興事以為師田學校下至里閭田畝吉凶哀樂凡民之事莫不一出於禮由之以教其民為孝慈友悌忠信仁義者常不出於居處動作衣服飲食之間蓋其朝夕從事者無非乎此也此所謂治出於一而禮樂達於天下使天下安習而行之不知所以遷善遠罪而成俗也及三代已亡遭秦變古後之有天下者自天子百官名號位序國家制度宮

意於中歷幾今  
世復見古昔之  
盛治豈非萬世  
之幸哉

鹿門茅坤曰古  
禮之亡久矣歐  
公於此亦無限  
感慨

車服器一切用秦舊閒雖有欲治之主思所改作不能  
超然遠復三代之上而牽其時俗稍即以損益大抵安  
於苟簡而已其朝夕從事則以簿書獄訟兵食為急曰  
此為政也所以治民至於三代禮樂具其名物而藏於  
有司時出而用之郊廟朝廷曰此為禮也所以教民此  
所謂治出於二而禮樂為虛名故自漢以來史官所記  
事物名數降登揖讓拜俛伏興之節皆有司之事爾所  
謂禮之末節也然用之郊廟朝廷自搢紳大夫從事其

臣廷敬曰禮樂之用自朝廷及里巷無事不由以治所謂達於天下也推到化民急務辭簡皆切不同魯兩生之言

閒者皆莫能曉習而天下之人至於老死未嘗見也況欲識禮樂之盛曉然諭其意而被其教化以成俗乎嗚呼習其器而不知其意忘其本而存其末又不能備其所謂朝覲聘問射鄉食饗師田學校冠婚喪葬之禮在者幾何自梁以來始以其當時所行傳於周官五禮之名各立一家之學唐初即用隋禮至太宗時中書令房玄齡秘書監魏徵與禮官學士等因隋之禮增以天子上陵朝廟養老大射講武讀時令納皇后皇太子入學

太常行陵合朔陳兵太社等為吉禮六十一篇賓禮四篇軍禮二十篇嘉禮四十二篇凶禮十一篇是為貞觀禮高宗又詔太尉長孫無忌中書令杜正倫李義府中書侍郎李友益黃門侍郎劉祥道許圜師太子賓客許敬宗太常卿韋琨等增之為一百三十卷是為顯慶禮其文雜以式令而義府敬宗方得幸多希旨傳會事既施行議者皆以為非上元三年詔復用貞觀禮由是終高宗世貞觀顯慶二禮兼行而有司臨事遠引古義與



二禮參考增損之無復定制武氏中宗繼以亂敗無可言者博士掌禮備官而已玄宗開元十年以國子司業韋紹為禮儀使以掌五禮十四年通事舍人王岳上疏請刪去禮記舊文而益以今事詔付集賢院議學士張說以為禮記不刊之書去聖久遠不可改易而唐貞觀顯慶禮儀注前後不同宜加折衷以為唐禮乃詔集賢院學士右散騎常侍徐堅左拾遺李銳及太常博士施敬本撰述歷年未就而銳卒蕭嵩代銳為學士奏起居

舍人王仲丘撰定為一百五十卷是為大唐開元禮由是唐之五禮之文始備而後世用之雖時小有損益不能過也貞元中太常禮院修撰王涇考次歷代郊廟沿革之制及其工歌祝號而圖其壇屋陟降之序為郊祀錄十卷元和十一年秘書郎修撰韋公肅又錄開元已後禮文損益為禮閣新儀三十卷十三年太常博士王彥威為曲臺新禮三十卷又採元和以來三公士民婚祭喪葬之禮為續曲臺禮三十卷嗚呼考其文記可謂

振宕中却寓泰容  
之概自是歐陽本  
色

備矣以之施於貞觀開元之間亦可謂盛矣而不能至  
三代之隆者具其文而意不在焉此所謂禮樂為虛名  
也哉

### 唐書藝文志論

自六經焚於秦而復出於漢其師傅之道中絕而簡編  
脫亂訛闕學者莫得其本真於是諸儒章句之學興焉  
其後傳注箋解義疏之流轉相講述而聖道粗明然其  
為說固已不勝其繁矣至於上古三王五帝以來世次

鹿門茅渚曰叙  
書中帶感慨悲  
弔以終議論其  
機軸未史遷表

國家興滅終始僭竊偽亂史官備矣而傳記小說外暨  
方言地里職官氏族皆出於史官之流也自孔子在時  
方修明聖經以紬繆異而老子著書論道德接乎周衰  
戰國游談放蕩之士田駢慎到列莊之徒各極其辯而  
孟軻荀卿始專修孔氏以折異端然諸子之論各成一  
家自前世皆存而不絕也夫王迹熄而詩亡離騷作而  
文辭之士興歷代盛衰文章與時高下然其變態百出  
不可窮極何其多也自漢以來史官列其名氏篇第以

為六藝九種七略至唐始分為四類曰經史子集而藏書之盛莫盛於開元其著錄者五萬三千九百一十五卷而唐之學者自為之書又二萬八千四百六十九卷嗚呼可謂盛矣六經之道簡嚴易直而天人備故其愈久而益明其餘作者衆矣質之聖人或離或合然精深閎博各盡其術而怪奇偉麗往往震發於其閒此所以使好奇愛博者不能忘也然凋零磨滅亦不可勝數豈其華文少實不足以行遠歟而俚言俗說猥有存者亦

正議被以雅辭  
濕可誦

鹿門茅坤曰論  
志文亦跌宕

其有幸不幸歟今著於篇有其名而無其書者十蓋五  
六也可不惜哉

唐書食貨志論

古之善治其國而愛養斯民者必立經常簡易之法使  
上愛物以養其下下勉力以事其上上足而下不困故  
量人之力而授之田量地之產而取以給公上量其入  
而出之以為用度之數是三者常相須以濟而不可失  
失其一則不能守其二及暴君庸主縱其佚欲而苟且

之吏從之變制合時以取寵於其上故用於上者無節而取於下者無限民竭其力而不能供由是上愈不足而下愈困則財利之說興而聚斂之臣用記曰寧畜盜臣盜臣誠可惡然一人之害爾聚斂之臣用則經常之法壞而下不勝其弊焉唐之始時授人以口分世業田

武德七年始定度田之制中男授田一頃篤疾廢疾四十畝妻妾三十畝為戶者加二十畝所授之田十分之二為世業八為口分世業授子而取之以租庸調之法孫口分身死還官更以給人

賦役之法每丁收粟二石謂之租隨鄉土所產或收綾絹絕各二丈綿三兩或收布二丈四尺麻三斤謂之調

凡丁歲役二旬若不役  
則收其傭直謂之庸

其用之也有節蓋其畜兵以府

衛之制故兵雖多而無所損設官有常員之數故官不  
濫而易祿雖不及三代之盛時然亦可以為經常之法  
也及其弊也兵冗官濫為之大蠹自天寶以來大盜屢  
起方鎮數叛兵革之興累世不息而用度之數不能節  
矣加以驕君昏主姦吏邪臣取濟一時屢更其制而經  
常之法蕩然盡矣由是財利之說興聚斂之臣進蓋口  
分世業之田壞而為兼并租庸調之法壞而為兩稅

廣德



目光遠矚於治道  
極有維繫

元年詔一戶二丁者免一丁地稅依舊每畝二升乾元中天下用兵百寮俸錢減耗乃稅天下地青苗錢以充百司課料夏稅無過六月秋至於鹽鐵轉運屯田和糴稅無過十一月此兩稅之始鑄錢括苗權利借商進奉獻助無所不為矣蓋愈煩而愈弊以至於亡焉

### 五代史前蜀王建世家論

嗚呼自秦漢以來學者多言祥瑞雖有善辯之士不能祛其惑也予讀蜀書至於龜龍麟鳳騶虞之類世所謂王者之嘉瑞莫不畢出於其國異哉然考王氏之所以

鹿門茅坤曰讀  
韓公獲麟解與  
此論世之言祥  
瑞者捫心退矣

興亡成敗者可以知之矣或以為一王氏不足以當之  
則是時天下治亂可以知之矣龍之為物也以不見為  
神以升雲行天為得志今偃然暴露其形是不神也不  
上於天而下見於水中是失職也然其一何多歟可以  
為妖矣鳳凰鳥之遠人者也昔舜治天下政成而民悅  
命夔作樂樂聲和鳥獸聞之皆鼓舞當是之時鳳凰適  
至舜之史因并記以為美後世因以鳳來為有道之應  
其後鳳凰數至或出於庸君繆政之時或出於危亡大

亂之際是果為瑞哉麟獸之遠人者也昔魯哀公出獵得之而不識蓋索而獲之非其自出也故孔子書於春秋曰西狩獲麟者譏之也西狩非其遠也獲麟惡其盡取也狩必書地而哀公馳騁所涉地多不可徧以名舉故書西以包衆地謂其舉國之西皆至也麟人罕識之獸也以見公之窮山竭澤而盡取至於不識之獸皆搜索而獲之故曰譏之也聖人已沒而異端之說興乃以麟為王者之瑞而附以符命讖緯詭怪之言鳳嘗出於

舜以為瑞猶有說也及其後出於亂世則可以知其非瑞矣若麟者前有治國如堯舜禹湯文武周公之世未嘗一出其一出而當亂世然則孰知其為瑞哉龜玄物也污泥川澤不可勝數其死而貴於卜官者用適有宜爾而戴氏禮以其在宮沼為王者難得之瑞戴禮雜出於諸家其失亦已多矣騶虞吾不知其何為也詩曰吁嗟乎騶虞賈誼以為騶者文王之囿虞虞官也當誼之時其說如此然則以之為獸者其出於近世之說乎夫

大既高妙而寓意  
特深

破人之惑者難與爭於篤信之時待其有所疑焉然後  
從而攻之可也麟鳳龜龍王者之瑞而出於五代之際  
又皆萃於蜀此雖好為祥瑞之說者亦可疑也因其可  
疑而攻之庶幾惑者有以思焉

### 五代史馮道傳論

傳曰禮義廉恥國之四維四維不張國乃滅亡善乎管  
生之能言也禮義治人之大法廉恥立人之大節蓋不  
廉則無所不取不恥則無所不為人而如此則禍亂敗

鹿門茅坤曰借  
婦人女子以感  
慨當世儒生有  
三歎道音

亡亦無所不至況為大臣而無所不取無所不為則天

下其有不亂國家其有不亡者乎予讀馮道長樂老敘

見其自述以為榮其可謂無廉恥者矣則天下國家可

從而知也予於五代得全節之士三

梁王彥章唐裴死  
約南唐劉仁贍

事之臣十有五

張源德夏魯奇姚洪王思同張敬達翟  
進宗沈斌王清史彥超孫晟馬彥超宋

令詢李遐張

彥卿鄭昭業而怪士之被服儒者以學古自名而享人

之祿任人之國者多矣然使忠義之節獨出於武夫戰

卒豈於儒者果無其人哉豈非高節之士惡時之亂薄

其世而不肯出歟抑君天下者不足顧而莫能致之歟  
孔子以謂十室之邑必有忠信豈虛言也哉予嘗得五  
代時小說一篇載王凝妻李氏事以一婦人猶能如此  
則知世固常有其人而不得見也凝家青徐之間為號  
州司戶參軍以疾卒於官凝家素貧一子尚幼李氏携  
其子負其遺骸以歸東過開封止旅舍旅舍主人見其  
婦人獨携一子而疑之不許其宿李氏顧天已暮不肯  
去主人牽其臂而出之李氏仰天長慟曰我為婦人不

能守節而此手為人執耶不可以一手并污吾身即引  
斧自斷其臂路人見者環聚而嗟之或為之彈指或為  
之泣下開封尹聞之白其事於朝官為賜藥封瘡厚卹  
李氏而答其主人者嗚呼士不自愛其身而忍恥以偷  
生者聞李氏之風宜少知愧哉

五代史周臣傳論

嗚呼作器者無良材而有良匠治國者無能臣而有能  
君蓋材待匠而成臣待君而用故曰治國譬之於奕知

偉論出之閒談是  
歐文獨勝處



其用而置得其處者勝不知其用而置非其處者敗敗者臨慕注目終日而勞心使善奕者視焉為之易置其處則勝矣勝者所用敗者之慕也興國所用亡國之臣也王朴之材誠可謂能矣不遇世宗何所施哉世宗之時外事征伐攻取戰勝內修制度議刑法定律厯講求禮樂之遺文所用者五代之士也豈皆愚怯於晉漢而材智於周哉惟知所用爾夫亂國之君常置愚不肖於上而強其不能以暴其短惡置賢智於下而泯沒其材

能使君子小人皆失其所而身蹈危亡治君之用能置  
賢智於近而置愚不肖於遠使君子小人各適其分而  
身享安榮治亂相去雖遠甚而其所以致之者不多也  
反其所置而已嗚呼自古治君少而亂君多況於五代  
士之遇不遇者可勝歎哉

五代史唐六臣傳論

嗚呼始為朋黨之論者誰歟甚乎作俑者也真可謂不  
仁之人哉予嘗至繁城讀魏受禪碑見漢之羣臣稱魏

興會淋漓無意不暢

伯厚王應麟曰  
歐陽子書唐六  
臣於唐亡之後  
貶其惡也朱子  
書晉處士於晉  
亡之後表其節  
也一字之懲勸

功德而大書深刻自列其姓名以夸耀於世又讀梁實

錄見文蔚等所為如此

天祐四年唐哀帝遜位於梁遣中書侍郎同中書門下平章事

張文蔚等六人奉冊寶傳國璽授梁王朝賀於金梁殿

未嘗不為之流涕也夫以

國予人而自夸耀及遂相之此非小人孰能為也漢唐

之末舉其朝皆小人也而其君子者何在哉當漢之亡

也先以朋黨禁錮天下賢人君子而立其朝者皆小人

也然後漢從而亡及唐之亡也又先以朋黨盡殺朝廷

之士而其餘存者皆庸懦不肖傾險之人也然後唐從

深矣

伯厚王應麟曰  
歐陽子曰始為  
朋黨之論者甚  
於作俑愚考漢  
史蕭望之周堪  
劉更生同心謀  
議弘恭石顯奏  
望之等朋黨欲  
專擅權勢朋黨  
二字始見於此  
遂為萬世之禍  
可謂一言喪邦

而亡夫欲空人之國而去其君子者必進朋黨之說欲  
孤人主之執而蔽其耳目者必進朋黨之說欲奪國而  
與人者必進朋黨之說夫為君子者固嘗寡過小人欲  
加之罪則有可誣者有不可誣者不能遍及也至欲舉  
天下之善求其類而盡去之惟指以為朋黨耳故親戚  
之舊謂之朋黨可也交遊執友謂之朋黨可也官學相  
同謂之朋黨可也門生故吏謂之朋黨可也是數者皆  
其類也皆善人也故曰欲空人之國而去其君子者惟

鹿門茅坤曰朋黨之禍至唐而極論朋黨之文至歐陽子而極文甚圖而所見世情特透

以朋黨罪之則無免者矣夫善善之相樂以其類同此自然之理也故聞善者必相稱譽稱譽則謂之朋黨得善者必相薦引薦引則謂之朋黨使人聞善不敢稱譽人主之耳不聞有善於下矣見善不敢薦則人主之目不得見善人矣善人日遠而小人日近則為人主者俵俵然誰與之圖治安之計哉故曰欲孤人主之勢而蔽其耳目者必用朋黨之說也一君子存羣小人雖衆必有所忌而有所不敢為惟空國而無君子然後小人得

肆志於無所不為則漢魏唐之際是也故曰可奪國而與人者由其國無君子空國而無君子由以朋黨而去之也嗚呼朋黨之說人主可不察哉傳曰一言可以喪邦者其是之謂與

五代史宦者傳論

筆愈轉則勢愈緊  
勢愈緊則意愈切  
如千巖萬壑波流  
迴瀾豈非文章極  
觀

自古宦者亂人之國其源深於女禍女色而已宦者之害非一端也蓋其用事也近而其為心也專而忍能以小善中人之意小信固人之心使人主必信而親之待

鹿門茅坤曰通  
篇如傾水銀於  
地而百孔千竅  
無所不入其機  
圓而其情密

其已信然後懼以禍福而把持之雖有忠臣碩士列於  
朝廷而人主以為去已疎遠不若起居飲食前後左右  
之親為可恃也故前後左右者日益親則忠臣碩士日  
益疎而人主之執日益孤執孤則懼禍之心日益切而  
把持者日益牢安危出其喜怒禍患伏於帷闥則嚮之  
所謂可恃者乃所以為患也患已深而覺之欲與疎遠  
之臣圖左右之親近緩之則養禍而益深急之則挾人  
主以為質雖有聖智不能與謀謀之而不可為為之而

不可成至其甚則俱傷而兩敗故其大者亡國其次亡身而使姦豪得借以為資而起至抉其種類盡殺以快天下之心而後已此前史所載宦者之禍嘗如此者非一世也夫為人主者非欲養禍於內而疎忠臣碩士於外蓋其漸積而執使之然也夫女色之惑不幸而不悟則禍斯及矣使其一悟猝而去之可也宦者之為禍雖欲悔悟而執有不得而去也唐昭宗之事是已

左右軍中尉劉

季述王仲先垂昭宗醉而作亂突入宣化門掖帝赴東宮迎皇太子監國矯宣昭宗命稱上皇故曰深



抑揚頓挫中無限  
烟波文之神似龍  
門者

鹿門茅拙曰莊  
宗雄心處與歐  
陽公之文可上  
下千古

於女禍者謂此也可不戒哉

### 五代史伶官傳論

嗚呼盛衰之理雖曰天命豈非人事哉原莊宗

李存勖之

所以得天下與其所以失之者可以知之矣世言晉王

李克用之將終也以三矢賜莊宗而告之曰梁吾仇也燕

王吾所立契丹與吾約為兄弟

唐乾寧二年李克用表  
劉仁恭為盧龍軍節度

使又明年克用徵其兵仁恭嫚罵執其使盡囚太原士  
之在燕者克用由是恨之天祐中克用乞盟於契丹會  
於雲州宴酣克用借兵以擊仁恭契丹許之易袍馬約  
為兄弟其後梁封仁恭子守光為燕王實由仁恭先為

臣英曰叙唐莊  
宗處修而英俊  
倏而衰颯憑吊  
歎歎雖尺幅短  
章而有紫迴無  
盡之意

盧龍帥故克用而背晉以歸梁此三者吾遺恨也與爾  
自謂晉所立也

三矢爾其無忘乃父之志莊宗受而藏之於廟其後用  
兵則遣從事以一少牢告廟請其矢盛以錦囊負而前  
驅及凱旋而納之方其係燕父子以組函梁君臣之首  
入於太廟還矢先王而告以成功其意氣之盛可謂壯  
哉及仇讐已滅天下已定一夫夜呼亂者四應倉皇東  
出未見賊而士卒離散君臣相顧不知所歸至於誓天  
斷髮泣下沾襟

同光四年三月李嗣源至鄴城甲子夜  
軍士張破敗作亂帥衆大譟莊宗聞變

東發洛陽至石橋置酒悲涕語李紹榮等相救諸將皆截髮置地誓以死報

何其衰也豈得

之難而失之易歟抑本其成敗之迹而皆自於人歟書

曰滿招損謙得益

大禹謨

憂勞可以興國逸豫可以忘身

自然之理也故方其盛也舉天下之豪傑莫能與之爭及其衰也數十伶人困之而身死國滅為天下笑夫禍患常積於忽微而智勇多困於所溺豈獨伶人也哉

朋黨論

初呂夷簡罷夏竦授樞密使復奪之代以杜行同時進用富弼韓琦范仲淹在

二府歐陽修為諫官石介作慶厯聖德詩斥竦為大姦竦銜之因與其黨造為黨論目衍

仲淹及修為黨人慶歷四年四月上謂輔臣曰自昔小人多為朋黨亦有君子之黨乎范仲淹對曰邪正之黨惟聖心所察苟朋而為善於國家亦何害也修於是作朋黨論上之

敘述最詳論斷最  
察故能冷通事理  
剖決嫌疑集中傑  
作也

水心案適曰歐  
陽氏明黨論蓋  
傳謂其能極小  
人之情狀故奸

臣聞朋黨之說自古有之惟幸人君辨其君子小人而已大凡君子與君子以同道為朋小人與小人以同利為朋此自然之理也然臣謂小人無朋惟君子則有之其故何哉小人所好者祿利也所貪者財貨也當其同利之時暫相黨引以為朋者偽也及其見利而爭先或利盡而交疎則反相賊害雖其兄弟親戚不能相保故

邪惡尤深蘇氏為緒論欲前戮元惡而撫用其餘按自古小人害正比而仇君子人主必保護愛惜每加擊逐使君子無以自安小人為黨君子不為黨也如養鸚鵡孔雀猶鼠常伺其隙備豫稍不謹捕而食之無救矣孟子言魯穆公無人乎子思之

臣謂小人無朋其暫為朋者偽也君子則不然所守者道義所行者忠信所惜者名節以之修身則同道而相益以之事國則同心而共濟終始如一此君子之朋也故為人君者但當退小人之偽朋用君子之真朋則天下治矣堯之時小人共工驩兜等四人為一朋君子八元八凱十六人為一朋舜佐堯退四凶小人之朋而進元凱君子之朋堯之天下大治及舜自為天子而臯夔稷契等二十二人並列於朝更相稱美更相推讓凡二

側則不能安子

思穆公猶然況

舜文王乎

殺山于慎行曰

神宗問君子小

人之黨滕甫對

曰君子無黨

之草木綱繆相

附必蔓草非松

栢也余嘗以其

言驗之君子何

以無黨無所用

之也進退決之

禮義用舍聽之

君相浮沉付之

命數建樹度之

十二人為一朋而舜皆用之天下亦大治書曰紂有臣

億萬惟億萬心周有臣三千惟一心秦誓紂之時億萬

人各異心可謂不為朋矣然紂以亡國周武王之臣三

千人為一大朋而周用以興後漢獻帝時盡取天下名

士囚禁之目為黨人及黃巾賊起漢室大亂後方悔悟

盡解黨人而釋之然已無救矣唐之晚年漸起朋黨之

論及昭宗時盡殺朝之名士裴樞獨孤損崔遠陸扈王

溥趙崇王贊等三十餘人

同日賜死或投之黃河曰此輩清流可投濁流此李振

於白馬驛

語朱全

技能故職業相與則同心共濟出入相友則同道為朋非有同結之歡唇齒之援也何以黨為小人則利害得失滑於方寸之間而立身行己又無牆壁可恃使之無黨安可得哉嗟夫丈夫七尺之軀戴負履方奈何不為松柏而為蔓草哉

忠之而唐遂亡矣夫前世之主能使人人異心不為朋

言莫如紂能禁絕善人為朋莫如漢獻帝能誅戮清流之朋莫如唐昭宗之世然皆亂亡其國更相稱美推讓而不自疑莫如舜之二十二臣舜亦不疑而皆用之然而後世不謂舜為二十二人朋黨所欺而稱舜為聰明之聖者以能辨君子與小人也周武之世舉其國之臣三千人共為一朋自古為朋之多且大莫如周然周用此以興者善人雖多而不厭也夫興亡治亂之迹為人君

自待甚重故立論  
皆高人一層

開修王志堅曰  
張蒼受與石司  
理書云頃遊京  
師每聽歐陽文  
忠公王荊公司  
馬溫公之論于  
行義文史為多  
惟歐公多談更  
事久之不免有

者可以鑒矣

### 送徐無黨南歸序

草木鳥獸之為物衆人之為人其為生雖異而為死則  
同一歸於腐壞漸成泯滅而已而衆人之中有聖賢者  
固亦生且死於其間而獨異於草木鳥獸衆人者雖死  
而不朽愈遠而彌存也其所以為聖賢者修之於身施  
之於事見之於言是三者所以能不朽而存也修於身  
者無所不獲施於事者有得有不得焉其見於言者則



請學者之見先生莫不以道德文章為欲聞者今先生多教人以吏事所未諭也公曰不然吾子異日臨事當自知之大抵文章止於潤身政事可以及物吾昔貶官夷陵欲求史漢一觀公私無有因取陳年公牘反覆觀之見其枉直乖錯不可勝數夷

又有能有不能也施於事矣不見於言可也自詩書史記所傳其人豈必皆能言之士哉修於身矣而不施於事不見於言亦可也孔子弟子有能政事者矣有能言語者矣若顏回者在陋巷曲肱饑卧而已其羣居則默然終日如愚人然自當時羣弟子皆推尊之以為不敢望而及而後世更百千歲亦未有能及之者其不朽而存者固不待施於事況於言乎予讀班固藝文志唐四庫書目見其所列自三代秦漢以來著書之士多者至

陵如此天下固可知也當時仰天誓心曰自爾遇事不可忽也迄今二十餘年出入中外恭應三事今日以人望我必謂翰墨致身以我自觀竟是當時一言之報此序詩諄以徒言為誠即是此意噫如公文學曾不自足而必求政事以及人非聖賢心

百餘篇少者猶三四十篇其人不可勝數而散亡磨滅百不一二存焉予竊悲其人文章麗矣言語工矣無異草木榮華之飄風鳥獸好音之過耳也方其用心與力之勞亦何異衆人之汲汲營營而忽焉以死者雖有遲有速而卒與三者同歸於泯滅夫言之不可恃也蓋如此今之學者莫不慕古聖賢之不朽而勤一世以盡心於文字閒者皆可悲也東陽徐生少從予學為文章稍稍見稱於人既去而與羣士試於禮部得高第由是知

事何以有此

荆川唐順之曰  
六一公身蹈此  
弊故言之親切  
如此

格局濶大波瀾老  
成

水心葉適曰韓  
愈以來相承以  
碑誌序記為文  
童大典冊而記

名其文辭日進如水涌而山出予欲摧其盛氣而勉其  
思也故於其歸告以是言然予固亦喜為文辭者亦因  
以自警焉

### 吉州新學記

慶歷三年秋天子開天章閣召政事之臣八人問治天  
下其要有幾施於今者宜何先使坐而書以對八人者  
皆震恐失位俯伏頓首言此非愚臣所能及惟陛下所  
欲為則天下幸甚於是詔書屢下勸農桑責吏課舉賢

雖愈及宗元猶未能擅所長也至歐嘗王蘇始盡其變態如吉州學世樂亭峴亭道山亭信州興造桂州修城後鮮過之矣若超然堂放鶴亭貧簪履竹石鐘山奔放四出其鋒不可當又關紐繩約之不能齊而歐嘗不逮也

才其明年遂詔天下皆立學置學官之員然後海隅徼塞四方萬里之外莫不皆有學嗚呼盛矣學校王政之本也古者致治之盛衰視其學之興廢記曰國有學遂有序黨有庠家有塾此三代極盛之時大備之制也宋興蓋八十有四年而天下之學始克大立豈非盛美之事須其久而後至於大備歟是以詔下之日臣民喜幸而奔走就事者以後為羞其年十月吉州之學成州舊有夫子廟在城之西北今知州事李侯寬之至也謀與

東發黃震曰吉  
州學記思見道  
化之成

聞修王志堅曰  
林下偶談云和  
平之言難工感  
慨之詞易好近  
世文人能無之  
者惟歐陽公如  
吉州學記之類  
和平而工者也  
如此樂亭記之  
類感慨而工者

州人遷而大之以為學舍事方上請而詔已下學遂以  
成李侯治吉敏而有方其作學也吉之士率其私錢一  
百五十萬以助用人之力積二萬二千工而人不以為  
勞其良材堅甃之用凡二十二萬三千五百而人不以  
為多學有堂筵齋講有藏書之閣有賓客之位有游息  
之亭嚴嚴翼翼壯偉閎耀而人不以為侈既成而來學  
者常三百餘人予世家於吉而濫官於朝進不能贊揚  
天子之盛美退不能與諸生揖讓於其中然予聞教學

也然豐樂亭記  
意雖感慨詞猶  
和平至於蘇子  
美集序之類則  
純乎感慨矣乃  
若憤悶不平如  
王逢原悲傷無  
聊如邢居實則  
感慨而失之者  
也

臣杜訥曰鋪張  
風俗淳美由於  
學校之成與篇  
首王政之本照  
耀有聲勢故語

之法本於人性磨揉遷革使趨於善其勉於人者勤其  
入於人者漸善教者以不倦之意須遲久之功至於禮  
讓興行而風俗純美然後為學之成今州縣之吏不得  
久其職而躬親於教化也故李侯之績及於學之立而  
不及待其成惟後之人無廢慢天子之詔而怠以中止  
幸予他日因得歸榮故鄉而謁於學門將見吉之士皆  
道德明秀而可為公卿問於其俗而婚喪飲食皆中禮  
節入於其里而長幼相孝慈於其家行於其郊而少者

語淡朴而逆極  
輝煌鉅麗之觀

錯綜開闔自然入  
妙與柳州段太尉  
逸事狀神理相合

扶其羸老壯者代其負荷於道路然後樂學之道成而  
得時從先生者老席於衆賓之後聽鄉樂之歌飲獻酬  
之酒以詩頌天子太平之功而周覽學舍思詠李侯之  
遺愛不亦美哉故於其始成也刻辭於石而立諸其廡  
以俟

王彥章畫像記

太師王公諱彥章字子明鄆州壽張人也事梁為宣義  
軍節度使以身死國葬於鄭州之管城晉天福二年始

贈太師在梁以智勇聞梁晉之爭數百戰其為勇將多

矣而晉人獨畏彥章自乾化後

梁末帝年號

嘗與晉戰屢困

莊宗於河上及梁末年小人趙巖等用事梁之大臣老

將多以讒不見信皆怒而有怠心而梁亦盡失河北事

勢已去諸將多懷顧望獨公奮然自必不少屈懈

自梁失魏

博與晉夾河而軍彥章嘗為先鋒

志雖不就卒死以忠公既死而梁亦

微矣悲夫五代終始纔五十年而更十有三君

梁太祖末帝唐

莊宗明宗愍帝廢帝晉高祖出帝漢高祖隱帝周太祖世宗恭帝

五易國而八姓

梁朱氏唐

荆川唐順之曰此文凡五段一段是摭叙其略二段是言其能全節三段是辯其事四段是言其善出奇策五段是寺中畫像之事而通篇以忠節善戰分兩



項然不見痕迹

莊宗李氏嗣源莊宗養子失其姓從珂王士之不幸而  
氏晉石氏漢劉氏周太祖郭氏世宗柴氏

出乎其時能不污其身得全其節者鮮矣公本武人不  
知書其語質平生嘗謂人曰豹死留皮人死留名蓋其  
義勇忠信出於天性而然予於五代書竊有善善惡惡  
之志至於公傳未嘗不感憤歎息惜乎舊史殘略不能

備公之事康定元年

宋仁宗  
年號

予以節度判官來此求於

滑人得公之孫睿所錄家傳頗多於舊史其記德勝之  
戰尤詳又言敬翔怒末帝不肯用公欲自經於帝前公

因用笏畫山川為御史彈而見廢又言公五子其二同  
公死節此皆舊史無之又云公在滑以讒自歸於京師  
而史云召之是時梁兵盡屬段凝京師羸兵不滿數千

公得保鑾五百人之鄆州以力寡敗於中都

唐攻兗州  
彦章將保

鑾五百人至遞坊戰敗  
退保中都又敗被擒

而史云將五千以往者亦皆非

也公之攻德勝也初受命於帝前期以三日破敵梁之

將相聞者皆竊笑及破南城果三日

龍德三年晉取鄆  
州末帝召彦章為

招討使彦章期三日破敵兩日而馳至滑州時晉已盡  
有河北以鐵鎖斷德勝口築河南北兩城號夾寨彦章

命甲士六百人皆持巨斧載治工垂流而下舉鎖  
燒斷之因以巨斧斬浮橋南城遂破果止三日  
是時

莊宗在魏聞公復用料公必速攻自魏馳馬來救已不  
及矣莊宗之善料公之善出奇何其神哉今國家罷兵  
四十年一旦元昊反敗軍殺將連四五年而攻守之計  
至今未決予嘗持用奇取勝之議而歎邊將屢失其機  
時人聞予說者或笑以為狂或忽若不聞雖予亦惑不  
能自信及讀公家傳至於德勝之捷乃知古之名將必  
出於奇然後能勝然非審於為計者不能出奇奇在速

速在果此天下偉男子之所為非拘牽常算之士可到也每讀其傳未嘗不想見其人後二年予復來通判州事歲之正月過俗所謂鐵槍寺者又得公畫像而拜焉歲久磨滅隱隱可見亟命工完理之而不敢有加焉懼失其真也公善用槍當時號王鐵槍公死已百年至今俗猶以名其寺童兒牧豎皆知王鐵槍之為良將也一槍之勇同時豈無而公獨不朽者豈其忠義之節使然歟畫已百餘年矣完之復可百年然公之不泯者不繫

歸美國家太平以  
為豐樂之由立言  
有體而俯仰處更  
多閒情逸韻

乎畫之存不存也而予猶區區如此者蓋其希慕之至  
焉爾讀其書尚想乎其人況得拜其像識其面目不忍  
見其壞也畫既完因書予所得者於後而歸其人使藏  
之

### 豐樂亭記

修既治滁之明年夏始飲滁水而甘問諸滁人得於州  
南百步之近其上豐山聳然而特立下則幽谷窈然而  
深藏中有清泉涵然而仰出俯仰左右顧而樂之於是

次崖林希元曰  
此篇專歸功於  
上之功德第一  
節先敘滁之景  
以為事第二節  
論滁為干戈用  
武之地第三節

疏泉鑿石闢地以為亭而與滁人往遊其閒滁於五代  
干戈之際用武之地也昔太祖皇帝嘗以周師破李景  
兵十五萬於清流山下生擒其將皇甫暉姚鳳於滁東  
門之外遂以平滁修嘗考其山川按其圖記升高以望  
清流之關欲求暉鳳就擒之所而故老皆無在者蓋天  
下之平久矣自唐失其政海內分裂豪傑並起而爭所  
在為敵國者何可勝數及宋受天命聖人出而四海一  
嚮之憑恃險阻剗削消磨百年之閒漠然徒見山高而

論聖宋平定之事第四卽論民生豐樂皆上之功德第五卽論滁人立亭共享豐年之樂第六節論宣上意以與民同樂所以名亭

鹿門茅坤曰太守之文借事發感慨歐公本色

水清欲問其事而遺老盡矣今滁介於江淮之間舟車商賈四方賓客之所不至民生不見外事而安於畎畝衣食以樂生送死而孰知上之功德休養生息涵煦百年之深也修之來此樂其地僻而事簡又愛其俗之安閒既得斯泉於山谷之間乃日與滁人仰而望山俯而聽泉掇幽芳而蔭喬木風霜冰雪刻露清秀四時之景無不可愛又幸其民樂其歲物之豐成而喜與予遊也因爲本其山川道其風俗之美使民知所以安此豐年

之樂者幸生無事之時也夫宣上恩德以與民共樂刺史之事也遂書以名其亭焉

胡先生墓表

安定教士之法規  
條最詳篇中專舉  
此事殆所謂論人  
必於其大者也

先生諱瑗字翼之姓胡氏其上世為陵州人後為泰州如臯人先生為人師言行而身化之使誠明者達昏愚者勵而頑傲者革故其為法嚴而信為道久而尊師道廢久矣自景祐明道以來

景祐明道及下慶歷皇祐嘉祐皆仁宗年號

學者

有師惟先生暨泰山孫明復石守道三人而先生之徒



最盛其在湖州學弟子去來常數百人各以其經轉相傳授其教學之法最備行之數年東南之士莫不以仁義禮樂為學慶歷四年天子開天章閣與大臣講天下事始慨然詔州縣皆立學於是建太學於京師而有司請下湖州取先生之法以為太學法至今為著令後十餘年先生始來居太學學者自遠而至太學不能容取傍官署以為學舍禮部貢舉歲所得士先生弟子十常居四五其高第者知名當時或取甲科居顯仕其餘散

在四方隨其人賢愚皆循循雅飭其言談舉止不問可知為先生弟子其學者相語稱先生不問可知為胡公也先生初以白衣見天子論樂拜秘書省校書郎辟丹州軍事推官改密州觀察推官丁父憂去職服除為保寧軍節度推官遂居湖學召為諸王宮教授以疾免已而以太子中舍致仕遷殿內丞於家皇祐中驛召至京師議樂復以為大理評事兼太常主簿又以疾辭歲餘為光祿寺丞國子監直講居太學遷大理寺丞賜緋衣

銀魚嘉祐元年遷太子中允充天章閣侍講仍居太學  
已而病不能朝天子數遣使者存問又以太常博士致  
仕東歸之日太學之諸生與朝廷賢士大夫送之東門  
執弟子禮路人嗟歎以為榮以四年六月六日卒於杭  
州享年六十有七以明年十月五日葬於烏程何山之  
原其世次官邑與其行事莆陽蔡君謨具誌於幽堂嗚  
呼先生之德在乎人不待表而見於後世然非此無以  
慰學者之思乃揭於其墓之原六年八月三日廬陵歐

陽修述

呂元明嘗言仁宗時國子先生必求天下賢士又擇其尤賢者專委掌教規矩之事胡瑗為直

講有旨專掌學政胡亦甄別人物擇其過人遠甚人畏服者獎之激之又各因其所好類聚而別居之故好尚經術者好談兵者好文藝者好尚節義者皆以其類羣居相與講習胡亦時召之使論其所學為定其理或自出一義故人皆樂從而有成今朝廷近臣往往往胡之徒也

瀧岡阡表

敘述先德情文深婉令讀者千載如生可謂仁孝之言

嗚呼惟我皇考崇公卜吉於瀧岡之六十年其子修始克表於其阡非敢緩也盖有待也修不幸生四歲而孤太夫人守節自誓居貧自力於衣食以長以教俾至於

東發黃震曰瀧岡所表述其母記父之言謂祭而豐不如養之薄謂治死獄當求其生藹然孝子仁人之言

成人太夫人告之曰汝父為吏廉而好施與喜賓客其俸祿雖薄常不使有餘曰母以是為吾累故其亡也無一瓦之覆一壠之植以庇而為生吾何恃而能自守耶吾於汝父知其一二以有待於汝也自吾為汝家婦不及事吾姑然知汝父之能養也汝孤而幼吾不能知汝之必有立然知汝父之必將有後也吾之始歸也汝父免於母喪方逾年歲時祭祀則必涕泣曰祭而豐不如養之薄也間御酒食則又涕泣曰昔常不足而今有餘

其何及也吾始一二見之以爲新免於喪適然耳既而  
其後常然至其終身未嘗不然吾雖不及事姑而以此  
知汝父之能養也汝父爲吏嘗夜燭治官書屢廢而歎  
吾問之則曰此死獄也我求其生不得爾吾曰生可求  
乎曰求其生而不得則死者與我皆無恨也矧求而有  
得耶以其有得則知不求而死者有恨也夫常求其生  
猶失之死而世常求其死也回顧乳者劒汝而立於傍  
如劒謂抱之因指而歎曰術者謂我歲行在戌將死使其  
如執劒也

言然吾不及見兒之立也後當以我語告之其平居教  
他子弟嘗用此語吾耳熟焉故能詳也其施於外事吾  
不能知其居於家無所矜飾而所為如此是真發於中  
者邪嗚呼其心厚於仁者邪此吾知汝父之必將有後  
也汝其勉之夫養不必豐要於孝利雖不得溥於物要  
其心之厚於仁吾不能教汝此汝父之志也修泣而志  
之不敢忘先公少孤力學

石本譜圖云歐陽氏夏之苗裔越王無疆之子蹄封於烏

程歐餘山之陽為歐陽亭侯修之先為吉州咸平三年

永豐人高祖名託曾祖名柳祖名偃父名觀

進士及第

咸平真宗年號

為道州判官泗綿二州推官又為泰

州判官享年五十有九葬沙溪之瀧岡太夫人姓鄭氏  
考諱德儀世為江南名族太夫人恭儉仁愛而有禮初  
封福昌縣太君進封樂安安康彭城三郡太君自其家  
少微時治其家以儉約其後常不使過之曰吾兒不能  
苟合於世儉薄所以居患難也其後修貶夷陵太夫人  
言笑自若曰汝家故貧賤也吾處之有素矣汝能安之  
吾亦安矣自先公之亡二十年修始得祿而養又十有



二年列官於朝始得贈封其親又十年修為龍圖閣直  
學士尚書吏部郎中留守南京太夫人以疾終於官舍  
享年七十有二又八年修以非才入副樞密遂叅政事  
又七年而罷自登二府天子推恩褒其三世蓋自嘉祐  
以來逢國大慶必加寵錫皇曾祖府君累贈金紫光祿  
大夫太師中書令曾祖妣累封楚國太夫人皇祖府君  
累贈金紫光祿大夫太師中書令無尚書令祖妣累封  
吳國太夫人皇考崇公累贈金紫光祿大夫太師中書


令無尚書令皇妣累封越國太夫人今上初郊皇考賜  
爵為崇國公太夫人進號魏國於是小子修泣而言曰  
嗚呼為善無不報而遲速有時此理之常也惟我祖考  
積善成德宜享其隆雖不克有於其躬而賜爵受封顯  
榮褒大實有三朝之錫命是足以表見於後世而庇賴  
其子孫矣乃列其世譜具刻於碑既又載吾皇考崇公  
之遺訓太夫人之所以教而有待於修者併揭於阡俾  
知夫小子修之德薄能鮮遭時竊位而幸全大節不辱

其先者其來有自

按自韓愈以古文倡於唐三百餘年修出而宗之起五季論卑氣弱之敝

黜天聖景祐閒大學體詭異之習士始知通經學古功倍於穆修柳開矣其學長於考究古今治亂興衰別白是非利害故其文章皆與經術相發明攘斥佛老尤為知本雖性道之精微固有閒焉然文家法度可謂盡矣故言行錄稱之曰超然獨驚衆莫能及譬夫天地之妙造化萬物不見痕跡自極其工

御選古文淵鑒卷四十五



總校官庶吉士臣張能照

校對官中書臣王璵

謄錄貢生臣湯安泰